



ADDENDA AO CONVENIO DE COLABORACIÓN ENTRE A DEPUTACIÓN DE PONTEVEDRA E O CONCELLO DE MOAÑA PARA A EXECUCIÓN DA ACTUACIÓN DENOMINADA “REHABILITACIÓN DO EDIFICIO DO CONCELLO VELLO DE MOAÑA”, NO MARCO DO PROGRAMA PROVINCIAL DE INFRAESTRUTURAS E DOTACIÓNS SINGULARES PARA A RECUPERACIÓN POST-COVID-19. PROGRAMA REACPON (REACCIONA PONTEVEDRA PROVINCIA)

DOCUMENTO ASINADO ELECTRONICAMENTE POR:



Pode verificar a integridade deste documento
no enderezo: <https://sede.depo.gal>
Código seguro de verificación (CSV):6HL890S3ODUR1GG2



ADDENDA AO CONVENIO DE COLABORACIÓN ENTRE A DEPUTACIÓN DE PONTEVEDRA E O CONCELLO DE MOAÑA PARA A EXECUCIÓN DA ACTUACIÓN DENOMINADA “REHABILITACIÓN DO EDIFICIO DO CONCELLO VELLO DE MOAÑA”, NO MARCO DO PROGRAMA PROVINCIAL DE INFRAESTRUTURAS E DOTACIÓNS SINGULARES PARA A RECUPERACIÓN POST-COVID-19. PROGRAMA REACPON (REACCIONA PONTEVEDRA PROVINCIA)

En Pontevedra, na data da sinatura electrónica

INTERVEÑEN

Dunha parte, D.^a María del Carmen Silva Rego, quen actúa no nome e representación da Deputación Provincial de Pontevedra, en virtude do seu cargo como presidenta deste organismo e en función das atribucións que lle confiren o artigo 34 da Lei 7/1985, do 2 de abril, reguladora das bases do réxime local (LRBRL), e o artigo 105 da Lei 5/1997, do 22 de xullo, de administración local de Galicia (LALGA).

Doutra parte, D.^a Leticia Santos Paz, quen actúa no nome e na representación do Concello de Moaña, en virtude da súa condición de alcaldesa-presidenta da citada Corporación, segundo o disposto no artigo 21 da LRBRL, no artigo 61.1 da LALGA e no artigo 41.1 do Real decreto 2568/1986, do 28 de novembro, polo que se aproba o Regulamento de organización, funcionamento e réxime xurídico das entidades locais.

Actúa D. Carlos Cuadrado Romay, en calidade de secretario xeral da Deputación Provincial de Pontevedra, dando fe do acto que se celebra.

Ámbalas dúas partes actúan nas representacións expresadas e recoñécense reciprocamente capacidade bastante para o outorgamento e formalización deste convenio, con base nos principios de colaboración, cooperación, coordinación e eficacia que deben presidir as actuacións das Administracións Públicas e, a estes efectos, de común acordo,

EXPOÑEN

I. O Pleno da Corporación Provincial, mediante o acordo núm. 4.7719 adoptado na sesión extraordinaria do 17/12/2021, concedeu unha subvención polo procedemento de concorrencia competitiva ao Concello de Moaña con destino á execución da actuación denominada “Rehabilitación do edificio do Concello Vello de Moaña”, ao abeiro do Programa provincial de infraestruturas e dotacións singulares para a recuperación post-Covid-19- Programa ReacPon (Reacciona Pontevedra Provincia).

II. O orzamento do investimento ascendía a 1.160.815,50€ e a subvención concedida a 870.611,62€ (75%), completándose o financiamento mediante unha achega municipal por importe de 290.203,88€ (25%).



III. De acordo co previsto na base reguladora 7ª.2.h) do Programa ReacPon, o día 26/01/2022 asinouse o correspondente convenio de colaboración entre ambas administracións co fin de definir as actuacións obxecto de subvención e concretar de xeito pormenorizado as obrigas das partes.

IV. A cláusula Segunda do referido convenio, relativa ao financiamento, establece o seguinte:

“O custo total da actuación ascende a un millón cento sesenta mil oitocentos quince euros con cincuenta céntimos (1.160.815,50€).

Deste importe, a Deputación financiará unha contía máxima de oitocentos setenta mil seiscentos once euros con sesenta e dous céntimos (870.611,62€), que supón unha porcentaxe total sobre o orzamento do 75%, que se imputarán contra a aplicación orzamentaria 2022/942.9420.762.75.2021 do vixente orzamento provincial.

Pola súa banda, o Concello achegará a cantidade restante ata completar o orzamento, o que supón unha contía de douscentos noventa mil douscentos tres euros con oitenta e oito céntimos (290.203,88€) e unha porcentaxe de cofinanciamento do 25%, que será financiada contra a correspondente aplicación do orzamento do concello ou con outro tipo de axudas que a entidade local poida obter.”

V. Por acordo núm. 6.31229 da Xunta de Goberno do 04/02/2022 concedeuse ao Concello de Moaña unha subvención de 290.203,88€, con cargo á anualidade 2022 do Plan Concellos 2022-2023, para financiar a totalidade da achega municipal do investimento do Programa ReacPon.

VI. Para dar cumprimento ao establecido nas Bases do Programa ReacPon, en canto á obriga dos concellos beneficiarios de comunicarlle á Deputación a obtención doutras subvencións para a mesma finalidade, o Concello informa á Deputación da notificación por parte do Ministerio de Transportes, Movilidad y Agenda Urbana (MITMA) da Resolución Definitiva de data 02/12/2022 de concesión dunha axuda ao Concello de Moaña por un importe de 487.741,94€, dentro da convocatoria do Programa de Impulso a la Rehabilitación de Edificios Públicos para las Entidades Locales (PIREP Local) no marco do Plan de Recuperación, Transformación y Resiliencia (PRTR), con destino ao financiamento da mesma actuación subvencionada mediante o Programa ReacPon (9.135,43€ dos 487.741,94€ da mencionada axuda corresponden a honorarios, partida non incluída na subvención concedida ao abeiro do Programa ReacPon). A dita Resolución publicouse na data 02/12/2022 na sede electrónica do MITMA.

VII. Á vista da obtención da nova subvención ministerial, e mantendo as porcentaxes recollidas no convenio, mediante o acordo do Pleno provincial núm. 6.7925, do 27/01/2023, aprobouse a modificación do acordo plenario núm. 4.7719, de 17/12/2021, de concesión da subvención para reaxustar o financiamento da actuación, de conformidade coa seguinte táboa:

Orzamento	1.160.815,50€
Programa ReacPon	511.656,74€
Plan Concellos 2022-2023 (anualidade 2022)	170.552,25€
MITMA (subvención PIREP Local sen honorarios)	478.606,51€



VIII. Así mesmo, a cláusula Décima Primeira do convenio, relativa á vixencia, sinala que *“O presente convenio producirá os seus efectos desde a data da súa sinatura ata a total execución das actuacións a que o mesmo se refire e a súa xustificación. En todo caso as actuacións deberán estar executadas na súa totalidade a 30 de abril de 2023. Así mesmo, deberán xustificarse no prazo de cinco meses desde a súa finalización, sen exceder en todo caso o 30 de setembro de 2023.”*

IX. No mesmo Pleno do 27/01/2023, adoptouse o acordo núm. 7.7926 polo que se prorroga o prazo de execución dos investimentos acollidos no Programa ReacPon ata o 31/12/2023 e o prazo de xustificación ata o 31/05/2024.

X. Por todo o anteriormente exposto, as partes manifestan expresamente o seu desexo de asinar unha addenda, para adaptar o texto do convenio asinado o 26/01/2022, ás novas condicións establecidas nos anteditos acordos do Pleno do 27/01/2023, con arranxo ás seguintes

CLÁUSULAS

PRIMEIRA. FINANCIAMENTO

As partes acordan modificar a cláusula Segunda do convenio, relativa ao financiamento da actuación denominada “Rehabilitación do edificio do Concello Vello de Moaña” no marco do Programa ReacPon, por un reaxuste no cadro de financiamento, e quedando redactada do seguinte xeito:

“O custo total da actuación ascende a un millón cento sesenta mil oitocentos quince euros con cincuenta céntimos (1.160.815,50€).

A subvención do Ministerio de Transportes, Movilidad y Agenda Urbana (MITMA) ascende a catrocentos setenta e oito mil seiscentos seis euros con cincuenta e un céntimos (478.606,51€), polo que a cantidade restante a cofinanciar entre a Deputación e o Concello ascende a seiscentos oitenta e dous mil douscentos oito euros con noventa e nove céntimos (682.208,99€).

Deste último importe, a Deputación financiará unha contía máxima de cincocentos once mil seiscentos cincuenta e seis euros con setenta e catro céntimos (511.656,74€), que supón unha porcentaxe total sobre o orzamento do 75%, que se imputarán contra a aplicación orzamentaria 2023/942.9420.762.75.2021 do vixente orzamento provincial.

Pola súa banda, o Concello achegará a cantidade restante, o que supón unha contía de cento setenta mil cincocentos cincuenta e dous euros con vinte e cinco céntimos (170.552,25€) e unha porcentaxe de cofinanciamento do 25%, que será financiada coa subvención concedida pola Deputación con cargo a anualidade 2022 do Plan Concellos 2022-2023.”

O financiamento da actuación recóllese no seguinte cadro:

Orzamento	1.160.815,50€
Programa ReacPon	511.656,74€
Plan Concellos 2022-2023 (anualidade 2022)	170.552,25€
MITMA (subvención PIREP Local sen honorarios)	478.606,51€





SEGUNDA. VIXENCIA

As partes acordan modificar a cláusula Décima primeira do convenio, relativa á vixencia, e quedando redactada do seguinte xeito:

“O presente convenio producirá os seus efectos desde a data da súa sinatura ata a total execución das actuacións a que o mesmo se refire e a súa xustificación. En todo caso as actuacións deberán estar executadas na súa totalidade a 31 de decembro de 2023. Así mesmo, deberán xustificarse no prazo de cinco meses desde a súa finalización, sen exceder en todo caso o 31 de maio de 2024.”

TERCEIRA. RÉXIME XURÍDICO

En todo o demais permanecerá invariable o contido do convenio asinado o 26/01/2022, suxeitándose as partes ás súas cláusulas.

E como proba de conformidade as partes que interveñen asinan o presente convenio na data da sinatura electrónica.

A presidenta da Deputación Provincial de Pontevedra, D.^a María del Carmen Silva Rego

A alcaldesa-presidenta do Concello de Moaña, D.^a Leticia Santos Paz

O secretario xeral da Deputación Provincial de Pontevedra, D. Carlos Cuadrado Romay

